

სიღრმისეული ინტერვიუს გზამკვლევი
(რაოდენობრივის გამოკითხვის შემდგომი ინტერვიუები)

[რესპონდენტების შერჩევის კრიტერიუმი: სტუდენტები, რომლებიც ამჟამად ან ადრე ცხოვრობდნენ სტუდენტურ საცხოვრებლებში და/ან ქირაობდნენ საცხოვრისს]

გამარჯობა, მე ვარ [სახელი და გვარი] და წარმოვადგენ საქართველოს საზოგადოებრივ საქმეთა ინსტიტუტს (GIPA). GIPA-ს კვლევითი პროექტების გრანტის ფარგლებში ჩვენ ვატარებთ კვლევას აკადემიურ მოსწრებაზე ხელმისაწვდომი საცხოვრისის გავლენის შესახებ. ჩვენ გვინდა, რომ სიღრმისეული ინტერვიუ ჩავატაროთ თქვენთან. ამ ინტერვიუს დროს რამდენიმე კითხვას დაგისვამთ იმ საკითხების შესახებ, რომლებიც კვლევის ამოცანებს უკავშირდება. პროექტის ფარგლებში შეგროვებული ინფორმაცია მხოლოდ კვლევითი მიზნებისთვის იქნება გამოყენებული. თქვენი პასუხები განცალკევებული იქნება ნებისმიერი ინფორმაციისგან, რის შედეგადაც თქვენი ვინაობის დადგენა შეუძლებელი იქნება. ინტერვიუების აუდიო ჩანაწერების მიხედვით მომზადდება ტრანსკრიპტები. თუმცა, წაიშლება ინტერვიუს დროს მიღებული ნებისმიერი ინფორმაცია, რომლის საშუალებითაც შესაძლებელი იქნება თქვენი იდენტიფიცირება. კვლევაში მონაწილეობა ნებაყოფლობითია და ინტერვიუს მიმდინარეობის ნებისმიერ ეტაპზე შეგიძლიათ შეწყვიტოთ ინტერვიუ.

ინტერვიუს ხანგრძლივობა დაახლოებით 1 საათი იქნება.

გმადლობთ, რომ დაგვთანხმდით კვლევაში მონაწილეობაზე.

შესავალი

1.1. მოკლედ მოგვიყევით თქვენი უნივერსიტეტთან დაკავშირებული გამოცდილების შესახებ: სად და როდის ჩააბარეთ?

1.2.1 ყველაფრის გათვალისწინებით, რა სირთულეებთანაა დაკავშირებული ახალ ქალაქში გადასვლა?

1.2.2 ჩამოსვლისას თუ გყავდათ ახლობლები ან მეგობრები თბილისში?

- მაგ. საჭიროების შემთხვევაში თუ შეგეძლოთ ვინმესთვის დახმარებისთვის მიგემართათ: მაგ. ავადობა, უფულობა, ღამის გასათევია.
- ახალი ადამიანების გაცნობა თუ გაგიადვილდათ?

1.3 რა ძირითად გამოწვევებს აწყდებოდით უნივერსიტეტში სწავლის პროცესში? [ჩაძიება: განათლების დაბალი ხარისხი, მოუწესრიგებელი ინფრასტრუქტურა, სწავლის გადასახადის სიძვირე, საცხოვრებელი ფართის სიძვირე; რთული გრაფიკი, სამსახურთან შეუთავსებლობა]

შემოსავალი

3.1. როგორ ახერხებდით საცხოვრებლის ხარჯების დაფარვას? [ქირა/გირაო და ასევე კომუნალურები]

- საიდან გქონდათ ყოველთვიური შემოსავალი? ყოველთვიური ჯიბის ფული?

სწავლის შეწყვეტა:

4.0. უმაღლეს სასწავლებელში ჩაბარების შემდეგ ხომ არ მოგიხდათ მცირე ხნით მაინც სწავლის შეწყვეტა ან შეჩერება? (თანხმობის შემთხვევაში, დაუსვით მეოთხე ქვეთავის დანარჩენი კითხვები)

4.1. ახლა სწავლის შეწყვეტა/შეჩერებაზე რომ ვისაუბრობთ, რა გახდა იმის მთავარი მიზეზი, რომ სწავლის გაგრძელება ვეღარ მოახერხეთ?

- გთხოვთ, მოგვიყვით, როგორ მიიღეთ გადაწყვეტილება ან როგორ შეეგუეთ იმ ფაქტს, რომ სწავლა უნდა შეგეწყვიტათ/შეგეჩერებინათ? [რას გრძნობდით, რაზე ფიქრობდით, რას განიცდიდით ამ მომენტში?]
- რამდენად მარტივი ან რთული იყო თქვენთვის ეს გადაწყვეტილება?
- როგორ გაუმკლავდით? ვინ გეხმარებოდათ? ვის უზიარებდით თქვენს პრობლემებს? რას გვეუბნებოდნენ გარშემომყოფები?

4.2. სამომავლოდ თუ აპირებთ სწავლის გაგრძელებას?

- რა შემთხვევაში შეძლებდით სწავლის დასრულებას?

4.3. რას საქმიანობთ მას შემდეგ რაც სწავლა დაასრულეთ?

- სად ცხოვრობთ?

[თუ რეგიონში დაბრუნება მოუწია]

- მოგვიყვით, როგორ დაბრუნდით რეგიონში? რას ნიშნავდა ეს თქვენთვის და თქვენი ახლობლებისთვის? ოპტიმისტურად იყავით განწყობილი თუ პესიმისტურად?

4.4. სწავლის შეწყვეტის შემდეგ, რა და როგორ შეიცვალა თქვენს ცხოვრებაში?

- სამსახურის მხრივ რა შეიცვალა?
- ურთიერთობების მხრივ რა შეიცვალა? [მაგ. მეგობრები, პარტნიორი, ოჯახი]

4.5 როგორ შეაფასებთ თქვენს ფსიქიკურ ჯანმრთელობას?

- როგორია თქვენი თვითშეფასება? საკუთარ თავში დარწმუნებული თუ ხართ?
- რატომ აფასებთ ასე?

4.6 როგორ შეაფასებდით თქვენს ფსიქოლოგიურ მდგომარეობას მანამ, სანამ სწავლის შეწყვეტა მოგიწევდათ?

- ფსიქოლოგიურად რა გავლენა მოახდინა თქვენზე სწავლის შეწყვეტამ?

4.7. დღევანდელი გადმოსახედიდან, როგორ აფასებთ თბილისში ჩაბარების გადაწყვეტილებას?

- ყველაფრის გათვალისწინებით სწორი გადაწყვეტილება იყო თუ არა?
- რა მოგცათ თბილისში ცხოვრებამ? უნივერსიტეტმა?
- რას ფიქრობთ საუნივერსიტეტო გამოცდილების შესახებ? რატომ?

შეზღუდული შესაძლებლობების მქონე სტუდენტის საჭიროებები

5.1. თქვენი გამოცდილებით, რამდენად შესაფერისად არის სასწავლო პროცესი და გარემო მორგებული და აღჭურვილი შშმ/სსმ პირებისთვის? [ჩაძიება: აუდიტორიის მორგება სმენადაქვეითებულ/უსინათლო და ა.შ. პირების საჭიროებებზე, პანდუსების არსებობა კამპუსის ტერიტორიაზე, სალექციო პროცესის მორგებულობა, მაგალითად, ჟესტური ენით საუბარი სმენადაქვეითებულ სტუდენტთან, ვიზუალური და ტექსტუალური მასალის შესაბამისობა საჭიროებებთან, სუბტიტრების ჩართვა და ა.შ.]

5.2. როგორ შეაფასებდით თქვენს სტუდენტურ ცხოვრებას, რამდენად აქტიური და მრავალფეროვანია ის თქვენთვის?

5.3. საუბრობენ/სწავლობენ თუ არა თქვენი გარშემომყოფები ჟესტურ ენას, როცა მათ გარემოცვაში სმენადაქვეითებული ადამიანი აღმოჩნდება? რა სირთულეები/სიმაღტივე ახლავს სმენიან თანატოლებთან ურთიერთობას?

5.4. თუ გაიხსენებთ ისეთ შემთხვევებს, როცა თქვენი, როგორც განსხვავებული საჭიროებების მქონე ადამიანის მოთხოვნილება/აუცილებლობა არ დაკმაყოფილდა? როგორ გაგრძნობინათ ამან თავი?

5.5. ზოგადად, თქვენი გადმოსახედიდან, როგორ ხდება მოპყრობა შშმ/სსმ სტუდენტებთან ქართული განათლების სისტემის ფარგლებში? [ჩაძიება: რა გამოწვევები არსებობს, რა დადებით მხარეებს გამოყოფდით? რომელ უარყოფით მხარეებს გამოყოფდით?]

დასასრული

6.1. ჩვენი კვლევა ხელმისაწვდომი საცხოვრისისა და სტუდენტური ცხოვრების თემებს ეხება. დღეს განხილული თემების შემდგომ, ხომ არ გსურთ რამის დამატება, რაზეც ჯერ არ გვისაუბრია?

დასასრული

სტუდენტები, რომლებიც რეგიონიდან დადიან უნივერსიტეტში

შესავალი

1.1. მოკლედ მოგვიყევით თქვენი უნივერსიტეტთან დაკავშირებული გამოცდილების შესახებ: სად და როდის ჩააბარეთ?

1.3 რა ძირითად გამოწვევებს აწყდებოდით უნივერსიტეტში სწავლის პროცესში? [ჩაძიება: განათლების დაბალი ხარისხი, მოუწესრიგებელი ინფრასტრუქტურა, სწავლის გადასახადის სიძვირე, საცხოვრებელი ფართის სიძვირე; რთული გრაფიკი, სამსახურთან შეუთავსებლობა]

შემოსავალი

2.1. როგორ ახერხებდით საცხოვრებლის ხარჯების დაფარვას? [ქირა/გირაო და ასევე კომუნალურები]

- საიდან გქონდათ ყოველთვიური შემოსავალი? ყოველთვიური ჯიბის ფული?

საცხოვრისის ხელმისაწვდომობა

3.1 სტუდენტად გახდომის შემდგომ სად ცხოვრობდით? რა გახდა მიზეზი რის გამოც რეგიონში დარჩით?

- როგორ მიიღეთ ეს გადაწყვეტილება ან როგორ შეეგუეთ იმ ფაქტს, რომ რეგიონში უნდა დარჩენილიყავით? [რას გრძნობდით, რაზე ფიქრობდით, რას განიცდიდით ამ მომენტში?]
- რამდენად მარტივი ან რთული იყო თქვენთვის ეს გადაწყვეტილება?

3.2 გიცდიათ საცხოვრისის თბილისში მოძიება?

- თუ არა, რატომ?
- თუ კი: რა სირთულეებს აწყდებოდით პროცესში? რა გიშლიდათ ხელს ყველაზე მეტად საცხოვრებლის თბილისში მოძიებაში?

რეგიონიდან სიარული

4.1. უნივერსიტეტში რეგიონიდან სიარულთან დაკავშირებული სირთულეებიდან რას გამოყოფდით? რა არის მთავარი გამოწვევები და როგორ ხედავთ მათი გადაჭრის გზებს?

- ტრანსპორტირებასთან დაკავშირებული გამოწვევები: დღეში რამდენ საათს ატარებთ ტრანსპორტში? რამდენად ხშირად დადის ტრანსპორტი? როგორ მოქმედებს ტრანსპორტში გატარებული დრო თქვენს პროდუქტიულობასა და ენერგიაზე? აისახება თუ არა ეს აკადემიურ მოსწრებაზე? ფიზიკურ / მენტალურ ჯანმრთელობაზე?
- არის რაღაცები რისი მოკლებაც გიწევთ რეგიონში ცხოვრების გამო (სოციალიზაცია, მეგობრებთან / კურსელებთან ერთად გართობა, სხვადასხვა აქტივობებში ჩართვა);
- როგორ ფიქრობთ, უკეთესი იქნებოდა თუ არა თქვენი აკადემიური მოსწრება / სტუდენტური ცხოვრება რეგიონიდან რომ არ გიწევდეთ სიარული?

4.2. რამდენად მარტივი ან რთული იყო უნივერსიტეტთან / ქალაქთან შეგუება?

4.3. სამომავლოდ თუ აპირებთ თბილისში გადმოსვლას? რა ხელისშემშლელი ფაქტორებია? რამდენად პოზიტიურად ან ნეგატიურად უყურებთ ამ საკითხს?

ფსიქიკური ჯანმრთელობა

4.5 როგორ შეაფასებთ თქვენს ფსიქიკურ ჯანმრთელობას?

- როგორია თქვენი თვითშეფასება? საკუთარ თავში დარწმუნებული თუ ხართ?
- რატომ აფასებთ ასე?

4.6 როგორ შეაფასებდით თქვენს ფსიქოლოგიურ მდგომარეობას მანამ, სანამ უნივერსიტეტში ჩააბარებდით?

- ფსიქოლოგიურად რა გავლენა მოახდინა თქვენზე რეგიონში დარჩენამ?

4.7. დღევანდელი გადმოსახედიდან, როგორ აფასებთ რეგიონში დარჩენის გადაწყვეტილებას?

4.8 რა მოლოდინები გქონდათ უნივერსიტეტში ჩაბარებამდე სტუდენტურ ცხოვრებასთან დაკავშირებით?

- გამართლდა თუ არა ეს მოლოდინები?
- რა არის განსხვავებული?
- რომელ ასპექტში გაგიჩნდათ სირთულეები?

4.9 რამდენად მარტივი ან რთული იყო უნივერსიტეტთან/ქალაქთან შეგუება?

4.10 გქონდათ თუ არა რაიმე სახის შფოთვა სანამ თბილისში სასწავლებლად გადმოხვიდოდით?(თუნდაც სწავლაზე, სოციალურ ცხოვრებაზე, ფინანსურ ასპექტზე)

4.11 თუ შეგიძლიათ მომიყვით თქვენი საცხოვრებლის პირობების შესახებ?

- აკმაყოფილებს თუ არა ბაზისურ მოთხოვნებს?
- გაქვთ თუ არა პირადი და/ან სამეცადინო სივრცე?
- მოქმედებს თუ არა აღწერილი პირობები თქვენს მენტალურ ჯანმრთელობაზე?

4.12 გიგრძნიათ თუ არა თავი მარტოდ/მარტოსულად?

4.13 გიფიქრიათ თუ არა სწავლის შეწყვეტაზე მენტალური ჯანმრთელობის პრობლემების გამო? ფინანსური პრობლემების გამო?

- რეგიონში დაბრუნებაზე?

4.14 რამდენად მარტივი ან რთული იყო დამოუკიდებელი ცხოვრების დაწყება?

4.15 თქვენს ირგვლივ მყოფ სტუდენტებზე რას იტყვით?

- გილაპარაკიათ თუ არა მენტალურ პრობლემებზე?
- უკავშირდება თუ არა ეს პრობლემები საცხოვრისს? სწავლისა და სამსახურის შეთავსებას?..